


ئەو چاقىن ل بن دەھمەنا كراسى من ماينە زل

پەروين موھسن



ب پەيشا مامۇ ژ دلى خۇ گىرودكرم، فىرى ھندى كرم كا چەوا خۇ ژ شىنا گەنجەكى كال پاشقە بىبەم، لى بۇرىنا بوھارى و... وەريانا بەلگىن ئالتونى ژ پايزا من لەشى من كره پەيكەرەكى ھەلواستى، زۇر جاران دناخى خۇدا ب گەرماشيا ھەمبىزا وى دخەورا دچووم، چەند من دقيا رۇژەكى ب تنى چاقىن من دگەل ئەوان چاقىن ل بن دەھمەنا كراسى من، زل بىن و ل من بىنرىن و ئەو دو لىف ب تونىن ئاوازەكا رۇمانسى بىژنە من (حەز ژ تە دكەم).

لى د زىستانەكا سار و بەفر گرتى دا بىلىلى من ئەدشپا چ سترانا بۇ من بىژىت دا دگەل ئاوازا دەنگى مەلىلى پاشقە بىژىم، د خەيالا بوھارا چووبى د سىنگى مامۇ دا گەرم بىم دگەل دەنگى ئاقوسا بۇرىنا ژى بى من دەرۇنى من ژ نىشكەكى قە ب گوھ و ئەزمان كەت ئەز ب باوهرم قىان يا دناڤ وى دا د جە دا گىرىبووى و ئەز ھەرىا ب لەزم، چونكى ھىش ترسا بوھارا چووبى يا ددلى من دا. نەكو ئەف جارە ژى بىبىتە خەون و زوى ژ من بىژىت و ەكى باى بفرىت و دەرپاز بىبىت.

ھۇمارا پەيوەندى يا وى رىز رىز خۇ د ھەلاقىزىتن و دكەتنە سەر شاشى، لى مخابن گۆت (چاقەرى بە)، پەيوەندى كرن ل جىپانا تە دقىت يا ب سانامى نىنە، تەدقىت تو ژى بىبە (با)؟ ب نەچارى وەك كەسەكا كول سەر ھىلا شەمەندەفەرى چاقەرى كەسەكى بىمار دكەت راوەستىام، تەنبا ئەز دزانم ھەناسا من يا ب لەز كەفتى و تژى (با) دبىت و ھاھا دفرم.

ھەر د وى خەيالا ئاشوپى دا زەنگا تەلەفۇنا من ھاتە لىدان و دەنگ ھاتە من، بەرى چ ھالە؟! گۆت: ھىشى دكەم چاقىن من ب چاقىن خۇ قە بوھەر و ھەر بىيەلە زل، چونكى چاقە زلى نىشانان ب ساخ بوونا مەن، لەشى من كەفتە د سەمايەكا شەرمىنى، پى و لىف ژ خوشيان گىرنىن، لى د دلى تىرەتەرىا وى بىرا ھزان د مەژىنى من دا دەر كرىبون، ب تنى رستەيەك ھاتە بىرا من ئەو ژى تە چ گۆت؟!